

BOSNA I HERCEGOVINA
FEDERACIJA BOSNE I HERCEGOVINE
UNSKO SANSKI KANTON
OPĆINSKI SUD U BIHAĆU
Broj: 17 0 St 138840 24 St
Bihać, 13.07.2026. godine

Općinski sud u Bihaću, stečajni sudija Alma Redžić, razmatrajući prijedlog predlagača d.o.o. "AIRVENT" Velika Kladuša, ul. Industrijska broj 11, zastupan po direktoru a on po punomoćniku advokatu Šehić Adnanu, da se nad pravnim licem d.o.o. "GRUPEX ENERGY" Velika Kladuša, ul. Industrijska broj 7, otvori stečajni postupak, dana 13.07.2026. godine donio je sljedeće:

RJEŠENJE

1. Otvara se stečajni postupak nad imovinom društva d.o.o. "GRUPEX ENERGY" Velika Kladuša, ul. Industrijska broj 7, MBS 1-390-00 int. 617.
2. Za stečajnog upravnika imenuje se Lipovača Almir iz Bihaća.
3. Kao vrijeme otvaranja stečajnog postupka utvrđuje se dan ponedjeljak 13.07.2026. godine u 09,00 h.
4. Pozivaju se povjerioci da u roku od 30 dana od dana objavljivanja oglasa u "Sl. novinama F BiH" prijave svoja potraživanja sudu, u dva primjerka s dokazima i pozivom na broj 17 0 St 138840 24 St.
5. Uz prijavu povjerioci su dužni priložiti dokaz o uplaćenju taksi na prijavu potraživanja kako slijedi:
 - a. do 1.000,00 KM vrijednosti potraživanja 5% takse,
 - b. do 5.000,00 KM vrijednosti potraživanja 4% takse,
 - c. na iznose preko 5.000,00 KM vrijednosti potraživanja, 3% takse, a najviše 10.000,00 KM.
 - d. Povjeriocima koji uz podnesenu prijavu potraživanja ne prilože dokaze o uplaćenju taksi, prijava će biti vraćena.
6. Taksa se ima uplatiti na račun budžeta USK-a broj: 3380002210005877, vrsta prihoda 722221, otvoren kod UniCredit bank DD Mostar, Filijala Bihać.
7. Pozivaju se dužnici stečajnog dužnika da svoje dugove prema stečajnom dužniku izmire bez odlaganja.
8. Pozivaju se povjerioci da u roku od 30 dana obavijeste stečajnog upravnika koja prava osiguranja potražuju na predmetima imovine stečajnog dužnika.
9. Određuje se upis zabilježbe o otvaranju stečajnog postupka u registru Općinskog suda Bihać MBS 1-390-00 int. 617 i na svim nekretninama stečajnog dužnika koje se vode u Katastru Općine Velika Kladuša i Zemljišnoknjižnom uredu Općinskog suda u Velikoj Kladuši.
10. Oglas o otvaranju stečajnog postupka ima se objaviti odmah danas na oglasnoj tabli ovog suda, a isti se ima dostaviti "Službenim novinama F BiH".
11. Nalaže se stečajnom dužniku i trećim licima da stečajnom upravniku predaju u posjed imovinu i dokumentaciju stečajnog dužnika, koja je u njihovom posjedu.
12. Ročište za ispitivanje prijava potraživanja, zakazuje se za dan srijeda 30.09.2026.godine u 11:15 sati, u zgradi Općinskog suda u Bihaću, treći sprat, sudnica broj 40.

O b r a z l o ž e n j e

Predlagač je ovom sudu dana 13.12.2024. godine podnio prijedlog za otvaranje stečajnog postupka nad imovinom dužnika d.o.o. "GRUPEX ENERGY" Velika Kladuša, a u prijedlogu navodi da predlagač „AIRVENT“ d.o.o. Velika Kladuša ima potraživanje prema dužniku d.o.o. "GRUPEX ENERGY" Velika Kladuša temeljem Ugovora o zakupu broj OPU-IP 1051/20 od 24.08.2023. godine u iznosu od 352.892,85 KM te da je po osnovu istog pokrenuo izvršni postupak pred Općinskim sudom u Velikoj Kladuši, koji je donio Rješenje o izvršenju broj 23 0 Ip 060306 24 Ip te da je povjerilac i na osnovu mjenice serijskog broja AF8740581 blokirao transakcijske račune dužnika dana 12.07.2024. godine na iznos od 557.054,42 KM kod BBI banke BH d.d. Sarajevo a da temeljem Zakona o unutrašnjem platnom prometu, blokadom jednog od transakcijskih računa, banke po sili zakona blokiraju i sve ostale račune. Navodi da od 12.07.2024. godine kada su računi blokirani po osnovu mjenice, odnosno od septembra 2024. godine kada su računi blokirani od strane suda Rješenjem o izvršenju, pa do danas, da dužnik ne izvršava svoje obaveze niti djelimično a da predlagač ima informacije da dužnik kao pravno lice ima dugove prema bankama, konkretno prema BBI banci BH d.d. Sarajevo koji se servisiraju na način da se dug plaća kroz cesije, kompenzacije i druge poslove, čime se faktički zaobilazi plaćanje putem transakcijskog računa, pa na osnovu svega navedenog predlagač predlaže da sud donese odluku o otvaranju stečajnog postupka.

Sud je donio Rješenje 19.11.2025. godine kojim je pokrenuo prethodni stečajni postupak radi utvrđivanja uslova za otvaranje stečajnog postupka nad pravnim licem d.o.o. Grupex Energy Velika Kladuša a za privremenog stečajnog upravnika imenovan je Lipovača Almir.

Na citirano Rješenje pravno lice d.o.o. Grupex Energy je uložilo žalbu pa je Kantonalni sud u Bihaću donio Rješenje kojim je žalbu pravnog lica odbio kao neosnovanu a potvrdio prvostepeno Rješenje, koje je postalo pravosnažno dana 15.01.2026. godine.

Nakon toga privremeni stečajni upravnik u skladu sa Rješenjem suda od 19.11.2025. godine je sudu dostavio Izvještaj broj 05-ST-E/26 od 16.03.2026. godine.

U Izvještaju privremeni stečajni upravnik navodi da je uvidom u poslovne knjige dužnika utvrdio da isti u svom vlasništvu posjeduje nekretnine i opremu koje su evidentirane u okviru stalnih sredstava a koji se odnose na zemljište, građevinske objekte, postrojenja i opremu u ukupnom iznosu od 1.164.414,00 KM te je privremeni stečajni upravnik u tabeli II.I. prikazao nekretnine, zemljište, građevinske objekte, uredsku opremu. Vještak je u Izvještaju naveo da je iz analitičke evidencije konta zalihe utvrdio da je društvo na dan 31.12.2025. godine iskazalo zalihe u ukupnom iznosu od 82.824,00 KM od čega se 11.407,00 KM odnosi na sirovine, materijal, rezervne dijelove i sitan inventar, a 71.417,00 KM na gotove proizvode.

Vještak navodi da je vezano za transakcijski račun i gotovinu u blagajni na dan 31.12.2025. godine utvrdio da iz bilansnih podataka je vidljivo da društvo na dan 31.12.2025. godine nije imalo novčanih sredstava na tekućem računu, da je račun pravnog lica blokirana dana 12.07.2024. godine od strane predlagača u ovom predmetu za iznos potraživanja od 557.054,42 KM te da navedeni ukupan iznos i nedostaje za

postupanje po blokadi. Na osnovu zvanične potvrde izdane od BBI banke privremeni stečajni upravnik je utvrdio da je transakcijski račun društva blokiran sa danom 12.07.2024. godine od strane predlagača u iznosu od 557.054,42 KM te da prema uslovima blokade sva sredstva koja budu u prilivu na račun društva automatski će biti prebačena na žiroračun predlagača a što sve ukazuje da na računu pravnog lica nije bilo nikakvih sredstava kojim bi se blokada mogla djelimično ili u potpunosti namiriti.

Kratkoročna potraživanja od kupaca na dan 31.12.2025. godine iznose 29.796,00 KM a sva potraživanja se odnose na kupce u zemlji. Privremeni stečajni upravnik je izvršio uvid u zemljišnoknjižnu dokumentaciju, popisnu listu stalnih sredstava, kao i bilansne pozicije društva te izvršio preliminarnu procjenu tržišne vrijednosti imovine koja se vodi u vlasništvu dužnika te ta vrijednost iznosi 2.790.769,60 KM a obuhvata zemljište, garaže i stanove a navedena cijena je orijentaciona tržišna vrijednost koju je utvrdio na osnovu dostupne dokumentacije pa vrijednost poslovnih prostora predstavlja isključivo okvirnu procjenu i ne treba je tumačiti kao konačnu tržišnu vrijednost.

Na osnovu svega privremeni stečajni upravnik je donio zaključak da je utvrdio da društvo posjeduje nepokretnu imovinu te da je uvidom u dostavljene zemljišnoknjižne izvadke utvrdio da na predmetnim nekretninama postoje upisani tereti u vidu hipoteke i zabilježbe koji značajno opterećuju imovinu i ograničavaju mogućnost njenog slobodnog raspolaganja, da je transakcijski račun društva blokiran od strane predlagača u iznosu od 557.054,42 KM što onemogućuje raspolaganje novčanim sredstvima a da prijem gotovine ili nastavak poslovanja nije realan bez prethodnog stečajnog postupka, da finansijsko stanje društva ukazuje na izostanak poslovne aktivnosti. U odnosu na kapital društva upravnik navodi da je uvidom u dostupne podatke utvrdio da vlasniški kapital društva na dan 31.12.2025. godine iznosi 8.700.094,00 KM dok su ostale rezerve iskazane u iznosu od 205.362,00 KM, iskazan je ukupni gubitak u iznosu od 7.815.773,00 KM koji uključuje akumulirane nepokrivene gubitke iz prethodnog perioda u iznosu od 4.374.893,00 KM i gubitak tekućeg perioda od 3.440.880,00 KM pa ukupan kapital društva iznosi 1.089.683,00 KM.

Društvo je također evidentiralo kratkoročne obaveze u iznosu od 187.964,00 KM. Po osnovu obaveza iz poslovanja evidentne su obaveze prema dobavljačima u zemlji i obaveze za primljene avanse u ukupnom iznosu od 34.090,00 KM, obaveze po osnovu plata i naknada na dan 31.12.2025. godine iznose 51.239,00 KM. Navodi da je Porezna uprava FBiH, Kantonalni porezni ured Bihać upisala teret nad imovinom pravnog lica radi naplate javnih prihoda u iznosu od 323.407,32 KM. Druge obaveze su u iznosu do 62.230,00 KM te obaveze za ostale poreze i dadžbine u iznosu od 29.430,00 KM.

Na osnovu svega utvrđenog privremeni stečajni upravnik je **naveo da je društvo u stanju dugotrajne platežne nesposobnosti bez ikakvih znakova poslovne aktivnosti ili oporavka**, da je poslovanje društva u zastoju, a posljednji finansijski izvještaji da su sačinjeni za 2025. godinu pri čemu se stanje sredstava nije značajno mijenjalo, da društvo posjeduje nepokretnu imovinu čija knjigovodstvena vrijednost iznosi 1.164.413,64 KM dok procijenjena tržišna vrijednost iznosi 2.790.769,60 KM, zalihe u iznosu od 82.824,00 KM i kratkoročna potraživanja kupaca u iznosu od 29.796,00 KM, da na nekretninama postoje tereti koje je privremeni stečajni upravnik prikazao u tabelama te da je ispunjen osnov za pokretnaje stečajnog postupka a da imovina društva dostatna da pokrije troškove stečajnog postupka.

U svom iskazu privremeni stečajni upravnik je dopunio Izvještaj a nakon što je izvršio uvid u potvrdu BBI banke od 23.03.2026. godine te naveo da je poslije blokade računa dana 12.07.2024. godine na računu pravnog lica da su nastupile još 3 blokade i

to od strane Porezne uprave dana 23.01.2025. godine u iznosu od 323.407,32 KM, zatim Kantonalne Porezne uprave 354,60 KM dana 01.07.2025. godine te od predlagača dana 12.12.2024. godine na iznos od 353.392,29 KM.

U svom iskazu privremeni stečajni upravnik je ostao kod svog Izvještaja te je sud isti u cijelosti prihvatio kao stručan i valjan jer je jednak materijalnim dokazima, potvrdi BBI banke od 23.03.2026. godine u pogledu blokade računa pravnog lica, a u pogledu imovine, stanja obaveza privremeni stečajni upravnik je uz Izvještaj dostavio zemljišnoknjižne izvadke kao dokaz o nekretninama, zatim bruto bilanse, financijske izvještaje, porezne bilanse i svu drugu dokumentaciju na osnovu koje je privremeni stečajni upravnik sačinio Izvještaj.

Neosnovani su navodi pravnog lica d.o.o. Grupex Energy Velika Kladuša da je Izvještaj privremenog stečajnog upravnika manjkav u pogledu broja udjeličara jer je to irelevantno za stečajni postupak a činjenica da je jedan od udjeličara društvo MD Group d.o.o. spremno bez odlaganja izmiriti iznos od 43.736,22 KM predlagaču po pozivu suda su također irelevantni obzirom da sud ne može pozivati bilo kakvog udjeličara da isplati dug a samo pravno lice d.o.o. Grupex Energy Velika Kladuša je do zakazivanja ročišta odnosno do podnošenja prijedloga za otvaranje stečajnog postupka imalo mogućnost i financijske konsolidacije, dokapitalizacije, sanacije likvidnosti ili provođenja reorganizacije a što isti nisu učinili. Prijedlog za pokretanje stečajnog postupka je podnesen dana 13.12.2024. godine a ročište je zakazano dana 29.06.2026. godine i pravno lice je imalo mogućnosti do zakazivanja ročišta učiniti bilo koju prethodno navedenu radnju što isti nije učinio, pa sud zaključuje, a kako je i vještak naveo u svom nalazu da društvo nema nikakvu poslovnu aktivnost, promet, prihode niti poslovan plan koji bi mu omogućio izlaz iz insolventnosti, a što sve ukazuje da su ostvareni svi uvjeti za otvaranje stečajnog postupka. Ovo naročito što su računi pravnog lica blokirani po zahtjevu predlagača i od strane Porezne uprave a što je sud utvrdio iz Potvrde BBI banke od 23.03.2026. godine i iz podneska Porezne uprave koja je strankama uručena na ročištu jer je Porezna uprava prijavila svoje potraživanje u spis ovog suda a ista je, kako je to privremeni stečajni upravnik naveo u svom Izvještaju, upisana na svim nekretninama kao založni povjerilac.

Neosnovani su navodi pravnog lica d.o.o. Grupex Energy Velika Kladuša da su potraživanja Porezne uprave sporna potraživanja i predmet preispitivanja povodom redovnih i vanrednih pravnih lijekova, a ove navode pravnog lica sud je smatrao paušalnim i nedokazanim.

Irelevantni su navodi pravnog lica d.o.o. Grupex Energy Velika Kladuša da osporava zakonitost aktiviranja i popunjavanja mjenice po osnovu koje je i blokiran račun pravnog lica od strane predlagača te da iz tih razloga i pokrenut parnični postupak koji se kod ovog suda vodi pod brojem 17 0 Ps 147192 26 Ps a u kojem postupku se osporava osnov i način popunjavanja mjenice iz razloga što je blokada računa od strane predlagača prvu put izvršena 12.07.2024. godine, a pravno lice d.o.o. Grupex Energy Velika Kladuša je tek u 2026. godini, neposredno pred zakazivanje ovog ročišta, pokrenuo parnični postupak radi osporavanja mjenice te podnio prijedlog za određivanje mjere osiguranja. U stečajnom postupku sud se ne upušta u ocjenu valjanosti blokade niti to može biti predmet ovog postupka, u kojem sud samo cijeni uvjete za otvaranje stečajnog postupka, a uvjeti su ispunjeni jer pravno lice je u blokadi skoro dvije godine i ako je čl. 58 Zakona o stečaju regulisano da da sam stečajni dužnik

mora u slučaju platežne nesposobnosti bez odlaganja sam podnijeti prijedlog za otvaranje stečajnog postupka.

Pored toga pravno lice je tražilo odlaganje ročišta kako bi sud izvršio uvid u predmet broj 17 0 Ps 147192 26 Ps a što je sud odbio jer je stečajni postupak hitne prirode, prijedlog je podnesen dana 13.12.2024. godine a samo pravno lice je moglo na ročištu dostaviti primjerak tužbe i primjerak prijedloga za mjeru obezbjeđenja što isti nije učinio pa je sud odbio ovakav zahtjev pravnog lica.

Sud je odbio i zahtjev pravnog lica da se provede vještačenje po vještaku ekonomske struke sa zadatkom da isti utvrdi da li je blokada izvršena po osnovu mjenice serijskog broja AF8740581 i u kojem iznosu i da li pored mjenice postoje još neka potraživanja koja terete račun pravnog lica te da li je u knjigovodstvu pravnog lica evidentirana obaveza ovog društva prema predlagraču, koji prijedlog je sud odbio iz razloga što je privremeni stečajni upravnik na ročištu dopunio Izvještaj na način da je naveo da pored predlagrača koji je račun blokiran na iznos od 557.054,42 KM dana 12.07.2024. godine i iznosa od 353.392,29 KM dana 12.12.2024. godine, blokada računa je izvršena i od strane Porezne uprave u iznosu od 323,407,32 KM dana 23.01.2025. godine te iznosa od 354,60 KM dana 01.07.2025. godine, a irelevantno je za ovaj postupak da li su u knjigovodstvu pravnog lica evidentirane obaveze pravnog lica prema predlagraču jer su stranke bile u obligaciono-pravnom odnosu te je po osnovu tog odnosa pravno lice i izdalo mjenicu po osnovu koje je i blokiran račun.

Pored navedenog, iz Rješenja o izvršenja Općinskog suda u Velikoj Kladuši broj 23 0 Ip 060306 24 Ip od 11.09.2024. godine sud je utvrdio da je dozvoljeno izvršenje po osnovu izvršnog otpravka izvornika u svrhu izvršenja notara Selimović Jasmine iz Sarajeva broj OPU-IP 1051/20 od 24.08.2023. godine, te iz Ugovora o zakupu od 24.12.2020. godine broj OPU-IP 1051/20 iz kojeg se vidi da su stranke bile u obligaciono-pravnom odnosu po osnovu zakupa.

Također je irelevantno za ovaj postupak kolika su potraživanja predlagrača jer će u stečajnom postupku predlagrač kao eventualno i ostala lica morati prijaviti potraživanje a stečajni upravnik će utvrditi osnovanost prijave.

Navodi pravnog lica d.o.o. Grupex Energy Velika Kladuša da društvo i većinski vlasnik raspolažu planom reorganizacije i planom izmirenja obaveza koji omogućava nastavak poslovanja nakon deblokade računa sud je cijenio međutim članom 207. Zakona o stečaju je regulisano da je nakon otvaranja stečajnog postupka dopušteno izraditi stečajni plan u kojem se može odstupiti od zakonskih odredaba o unovčenju i raspodjeli stečajne mase te ostaviti stečajnom dužniku sva imovina ili dio imovine radi nastavka poslovanja stečajnog dužnika, a iz koje odredbe proizlazi da Zakon ostavlja mogućnost reorganizacije o čemu će sud i imenovani stečajni upravitelj odlučivati nakon otvaranja stečajnog postupka.

Prigovor mjesne nenadležnosti suda je u cijelosti neosnovan iz razloga što je Skupština društva pravnog lica d.o.o. Grupex Energy Velika Kladuša dana 14.11.2025. godine donijela Odluku o promjeni sjedišta društva, određujući novo sjedište u Sarajevu međutim navedena Odluka nije osnov za promjenu sjedišta jer se promjenu sjedišta pravno lice mora izvršiti u sudskom registru i za istu promjenu mora biti doneseno Rješenje o izmjenama podataka što društvo nije učinilo pa samo donošenje Odluke ne može biti osnov za upućivanje predmeta drugom sudu.

Sve primjedbe na Izvještaj privremenog stečajnog upravnika sud je cijenio kao neosnovane i nedokazane.

Nakon što je sud razmotrio Izvještaj privremenog stečajnog upravnika, te proveo dokaze čitanjem: Otpravak izvornika u svrhu izvršenja broj OPU-IP 1051/2020, za Ugovor o zakupu od 24.08.2023. godine, Rješenje Općinskog suda Velika Kladuša broj 23 0 Ip 060306 24 Ip od 10.10.2025. godine, Rješenje Kantonalnog suda u Bihaću broj 23 0 Ip 060306 25 Pž od 03.03.2026. godine, Financijsko vještačenje u predmetu broj 23 0 Ip 060306 24 Ip, a ovim dokazima se dokazuju dospjela potraživanja povjerioca prema dužniku u iznosu od 70.545,40 KM, Otpravak izvornika u svrhu izvršenja za Ugovor o plaćanju duga po pravosnažnoj presudi broj OPU-IP 1053/2020 od 24.08.2023. godine, Uplatnica na iznos od 64.903,70 KM u skladu sa Ugovorom o načinu plaćanja duga po pravosnažnoj presudi broj 1053/2020, Uplatnica na iznos od 6.443,48 KM u skladu sa Ugovorom o načinu plaćanja duga po pravosnažnoj presudi broj 1053/2020, Uplatnica na iznos od 25.626,23 KM u skladu sa Ugovorom o načinu plaćanja duga po pravosnažnoj presudi broj 1053/2020, Uplatnica na iznos od 15.902,28 KM u skladu sa Ugovorom o načinu plaćanja duga po pravosnažnoj presudi broj 1053/2020, Uplatnica na iznos od 7.951,14 KM u skladu sa Ugovorom o načinu plaćanja duga po pravosnažnoj presudi broj 1053/2020, Uplatnica na iznos od 7.951,14 KM u skladu sa Ugovorom o načinu plaćanja duga po pravosnažnoj presudi broj 1053/2020, Uplatnica na iznos od 7.951,14 KM u skladu sa Ugovorom o načinu plaćanja duga po pravosnažnoj presudi broj 1053/2020, Uplatnica na iznos od 7.951,14 KM u skladu sa Ugovorom o načinu plaćanja duga po pravosnažnoj presudi broj 1053/2020, Uplatnica na iznos od 6.500,00 KM u skladu sa Ugovorom o načinu plaćanja duga po pravosnažnoj presudi broj 1053/2020, Uplatnica na iznos od 25.304,56 KM u skladu sa Ugovorom o načinu plaćanja duga po pravosnažnoj presudi broj 1053/2020, Uplatnica na iznos od 7.951,14 KM u skladu sa Ugovorom o načinu plaćanja duga po pravosnažnoj presudi broj 1053/2020, Uplatnica na iznos od 15.902,28 KM u skladu sa Ugovorom o načinu plaćanja duga po pravosnažnoj presudi broj 1053/2020, Uplatnica na iznos od 7.951,14 KM u skladu sa Ugovorom o načinu plaćanja duga po pravosnažnoj presudi broj 1053/2020, Uplatnica na iznos od 7.951,14 KM u skladu sa Ugovorom o načinu plaćanja duga po pravosnažnoj presudi broj 1053/2020, Uplatnica na iznos od 7.951,14 KM u skladu sa Ugovorom o načinu plaćanja duga po pravosnažnoj presudi broj 1053/2020, Uplatnica na iznos od 5.328,16 KM u skladu sa Ugovorom o načinu plaćanja duga po pravosnažnoj presudi broj 1053/2020, Uplatnica na iznos od 7.951,14 KM u skladu sa Ugovorom o načinu plaćanja duga po pravosnažnoj presudi broj 1053/2020, Rješenje o izvršenju broj 23 0 P 047755 22 I od 25.03.2022. godine, kojim su predmet izvršenja bila potraživanja dužnika prema povjeriocu, Uplatnica na iznos 5.475,90 KM u skladu sa Rješenjem o izvršenju broj 23 0 P 047755 22 I, Uplatnica na iznos 2.475,24 KM u skladu sa Rješenjem o izvršenju broj 23 0 P 047755 22 I, Uplatnica na iznos 6.709,46 KM u skladu sa Rješenjem o izvršenju broj 23 0 P 047755 22 I, Uplatnica na iznos 1.241,68 KM u skladu sa Rješenjem o izvršenju broj 23 0 P 047755 22 I, Uplatnica na iznos 1.067,40 KM u skladu sa Rješenjem o izvršenju broj 23 0 P 047755 22 I, Uplatnica na iznos 1.555,58 KM u skladu sa Rješenjem o izvršenju broj 23 0 P 047755 22 I, Uplatnica na iznos 3.469,44 KM u skladu sa Rješenjem o izvršenju broj 23 0 P 047755 22 I, Historijski izvod iz sudskog registra, Poziv za izmirenje obaveze – opomena pred tužbu od 12.04.2024. godine sa povratnicom,

Odluka o izmijeni Statuta društva Grupex Energy d.o.o. Velika Kladuša od 14.11.2025. godine, sa prijava o registraciji od 16.02.2026. godine; Prijedlog za izvršenje Airvent d.o.o. Velika Kladuša od 05.09.2024. godine; Rješenje o izvršenju Općinskog suda Velika Kladuša broj: 23 0 Ip 060306 24 Ip od 11.09.2024. godine;

Prigovor izvršenika od 26.09.2024. godine; Rješenje Općinskog suda Velika Kladuša broj: 23 0 Ip 060306 24 Ip od 10.10.2025. godine; Rješenje Kantonalni sud u Bihaću broj: 23 0 Ip 060306 26 Pž od 03.03.2026. godine; Izjava o kompenzaciji Airvent d.o.o. Velika Kladuša od 31.03.2026. godine; Izjava notara Jasmina Selimović od 25.02.2026. godine; Nalaz i mišljenje vještaka EKREM ČAGALJ, dipl. ecc, Plan reorganizacije i izmirivanja obaveza društva od mart 2026. Godine sa priložima; sud je utvrdio da su ispunjeni uvjeti da se nad pravnim licem d.o.o. Grupex Energy Velika Kladuša otvori stečajni postupak odnosno da društvo nije sposobno da izmiruje tekuće obaveze, niti ima mogućnosti da se dodatno zaduži jer su sve nekretnine opterećene založnim pravom, a računi blokirani skoro dvije godine, pa sud odlučio kao u izreci rješenja na temelju člana 102. i 104. Zakona o stečaju ("Službene novine FBiH" broj 53/21).

POUKA O PRAVNOM LIJEKU

Protiv ovog rješenja žalbu može uložiti stečajni dužnik.
Žalba se putem ovog suda podnosi Kantonalnom sudu u Bihaću, u roku od osam (8) dana od prijema Rješenja (čl. 109. Zakona o stečaju FBiH).

STEČAJNI SUDIJA

Alma Redžić